



Na osnovu člana 64. stav (1) tačka b), člana 70., a u vezi člana 32. stav (6) Zakona o javnim nabavkama („Službeni glasnik Bosne i Hercegovine“ broj 39/14, 59/22, 50/24) i člana 18. Poslovnika Centralne izborne komisije Bosne i Hercegovine („Službeni glasnik BiH“ br. 29/18 i 25/20), na preporuku Komisije za javne nabavke od 30.7.2026. godine, Centralna izborna komisija Bosne i Hercegovine je na 47. sjednici održanoj 6.8.2026. godine, d o n i j e l a

ODLUKU **o izboru najpovoljnijeg ponuđača**

- (1) Ugovor za nabavku licenci i pretplata za softvere i softverska rješenja – Licence za serversku i backup opremu, Lot 2, dodjeljuje se ponuđaču „**MIBO Komunikacije**“ d.o.o. Sarajevo.
- (2) Ponuda ponuđača iz stava (1) ove odluke zadovoljava sve uslove utvrđene u predmetnom otvorenom postupku.
- (3) Ponuđaču iz stava (1) ove odluke, će biti dodjeljen ugovor na ukupnu vrijednost u iznosu od **40.000,00 KM bez PDV, odnosno 46.800,00 KM sa PDV.**
- (4) Ugovor će se dodijeliti u skladu sa elementima Ponude, te uslovima i kriterijima utvrđenim u obavještenju o nabavci i Tenderskoj dokumentaciji.
- (5) Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem otvorenog postupka. Obavještenje o nabavci objavljeno je na portalu Javnih nabavki, broj obavještenja: 794-1-1-188-3-19/26 od 13.7.2026. godine. Primljena je jedna ponuda ponuđača „**MIBO Komunikacije**“ d.o.o. Sarajevo.

Komisija za nabavku imenovana Rješenjem broj: 07-2-16-3-900-2/26 od 3.6.2026. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-900-14/26 od 30.7.2026. godine je u prilogu ove odluke. U predmetnom postupku bilo je predviđeno provođenje e-aukcije, u skladu sa Pravilnikom o uslovima i načinu korištenja e-aukcije („Službeni glasnik BiH, broj 80/23“), ali ista nije provedena iz razloga što je zaprimljena samo jedna ponuda. Komisija je utvrdila da je ponuda ponuđača „**MIBO Komunikacije**“ d.o.o. Sarajevo prihvatljiva i uputila preporuku Centralnoj izbornoj komisiji BiH za izbor ovog ponuđača i dodjelu ugovora za nabavku Licence za serversku i backup opremu Lot 2, po ponuđenoj cijeni od **40.000,00 KM bez PDV, odnosno 46.800,00 KM sa PDV.**

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-900-17/26
Sarajevo, 6.8.2026. godine

Dostavljeno:

1. Ponuđačima
2. Odsjeku za materijalno finansijske poslove
3. web stranicu CIK BiH
3. a/a

